

№ 44637

Date 17.05.2021



საქართველოს გარემოს დაცვისა და სოფლის მეურნეობის სამინისტროს შპს „RMG Gold“-ის აღმასრულებელი დირექტორის ბატონი თორნიკე ლიპარტიას

სკრინინგის განცხადება

გაცნობებთ, რომ შპს „RMG Gold“-ს დაგეგმილი აქვს დმანისის მუნიციპალიტეტის ტერიტორიაზე საყდრისის საბადოს მადნის გადამუშავებისთვის საწარმოო მოედნების გაფართოება.

შპს „RMG Gold“- ზე გაცემული „საყდრისის“ გროვული გამოტუტვის საწარმოო უბნის ექსპლუატაციასა და ექსპლუატაციის პირობების შეცვლაზე - მოედნების გაფართოებაზე (სასარგებლო წიაღისეულის გადაჭრუჭვება) გარემოსდაცვითი გადაწყვეტილების შესაბამისად საქმიანობისთვის გამოყოფილი ძთლიანი ტერიტორიის ფართობი შეადგენს 68,16 ჰა-ს, აქედან გარემოსდაცვითი გადაწყვეტილების გაცემამდე გროვული გამოტუტვის მოედნების მიერ დაკავებული ტერიტორია შეადგენდა დაახლოებით 20.57 ჰა-ს, ხოლო მოედნების გაფართოებისთვის გამოყოფილი ტერიტორიის ფართობი შეადგენდა დაახლოებით 9.68 ჰა-ს. კომპანია, გეგმავს მოსაპოვებელი სასარგებლო წიაღისეულის ოდენობის, წიაღისეულის გადამუშავების ტექნოლოგიისა და საწარმოს წლიური წარმადობის შეუცვლელად საქმიანობისათვის გამოყოფილი სანებართვო ტერიტორიის ეტაპობრივ ათვისებას და საქმიანობისათვის გამოყოფილი ტერიტორიის ფარგლებში გამოტუტვის მოედნების მოწყობას.

უნდა აღინიშნოს, დაგეგმილი საქმიანობის პროცესში არ იცვლება და იგივე რჩება:

- გზმ-ს ანგარიშში მოცემული გამოსატუტ მოედნებზე დასაყრელი მადნების მოცულობები;
- მადნის გადამუშავების ტექნოლოგიური სქემა;
- გარემოზე ზემოქმედების ფაქტორები და შედეგები;
- შემარბილებელი ღონისძიებები.

დაგეგმილი სამუშაოების ფარგლებში დამატებით „გარემოსდაცვითი შეფასების კოდექსით“ გათვალისწინებული პროცედურის გავლის საჭიროების მიზნით 2021 წლის N წერილით კომპანიამ მიმართა საქართველოს გარემოს დაცვისა და სოფლის მეურნეობის სამინისტროს, საქართველოს გარემოს დაცვისა და სოფლის მეურნეობის სამინისტროს წერილით კომპანია ვალდებულია წარადგინოს სკრინინგის განცხადება



ამასთან, კომპანიას დაგეგმილი აქვს საყდრისის გროვული გამოტუტვის საწარმოო ტერიტორიაზე არსებულ ავტოგასამართ უბანზე, ნავთობპროდუქტების საცავის მოწყობა (არსებული რეზერვუარების შეცვლა). დაგეგმილი საქმიანობა ითვალისწინებს ავტოგასამართი სადგურის ტერიტორიაზე არსებული 2 ერთეული (თითო 22 ტ მოცულობის) მობილური რეზერვუარის ნაცვლად სტაციონალური რეზერვუარების თითო - 50 ტ მოცულობით მოწყობას, რომლის შედეგად ავტოგასამართი სადგური განკუთვნილი იქნება 79 ტონა დიზელის საწვავის ნაცვლად, ჯამში 135 ტ დიზელის საწვავის შესანახად. აღსანიშნავია რომ, რეზერვუარების მოწყობის შედეგად არ შეიცვლება ავტოგასამართი სადგურის წარმადობა -108 000 ტ დიზელი წელიწადში.

ყოველივე აღნიშნულიდან გამომდინარე, წარმოგიდგენთ განცხადებას სკრინინგის პროცედურების გასავლელად და გთხოვთ თქვენს გადაწყვეტილებას.

პატივისცემით,

შპს „RMG Gold“-ის

აღმასრულებელი დირექტორი

თორნიკე ლიპარტია

